



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exerc. 7. De Sancto Michaelē Archangelo.

urn:nbn:de:hbz:466:1-45396

EXERCITIUM VII.

De Sancto Michael Archangelo.

1. **S**Tatue te in conspectu Sancti Michaelis, omnium Sanctorum Angelorum Principis.

2. Ejus beatissimi, eminentissimique Spiritus, munera, & in omnem rerum universitatem promerita, itemque excellentias expende & æstima: sunt autem,

1. Post Christum & ejus Matrem; in omnibus Creaturis Dei, major nemo surrexit in donis Gratiæ, quam Michael: qui etiam in Naturæ donis, ipso Christo, & ejus Matre major est.

2. Idem S. Michael, non tantum Angelis, aut Archangelis, sed omnino omnium Angelicarum Hierarchiarum Spiritibus major est; atque maximus & supremus, est in hoc conditus; ut sit supremus Dei, ac in specie, Verbi Incarnati Amator, atque Societatis Seraphicæ Caput, & Fundator post Christum, & B. V. dignitate: ante Christum verò & ejus Matrem tempore.

3. Idem, ad hoc specialiter conditus est à Deo: ut sit Amator & Zelator ignitissimus, ferventissimusque Dei, & Dignitatis ejus. Unde is primus exarsit in defensionem, confessionemque divinæ supereminentiæ: evibrans gladium illum suum contra invasorem, & Apostatam Luciperum, Quis ut DEUS?

4. Idem S. Michael, totius exercitus Angelici est Patriarcha: & principalis post Deum, salutis; & perseverantiæ in bono, & tandem beatitudinis ipsorum Author, prædux, & Ecclesiæ totius, ex SS. Angelis constitutæ, caput.

5. Idem

DRUG
SICK
r: 4300
II
V
7

5. Idem S. Michael, primus est Incarnati Verbi, seu Dei Homini Confessor, ac testis, & Propugnator & Zelator: Primus se Deo Homini (futuro) submitit, & se fore subjectum, Angelosque omnes subjici debere, corde, atque opere, contestatus est.

6. Idem S. Michael, primus electus à Deo est, primusque re ipsâ Luciperi caput contrivit, eumque cum omnibus Apostatis, affectis, ita de cælo exterminavit, ut neque locus illius, illorumque, ampliùs comparuerit in cælo: sed in omnem æternitatem, præclusierit, præstruxeritque Lucipero, Luciper, anisque omnibus, regressum ad cælum.

7. Idem S. Michael, est Ecclesiæ Christi præses, Dux, defensor, in præmium utique defensionis honoris Divini, & propugnatae Dignationis Verbi æterni, in Incarnatione subeundæ.

8. Idem S. Michael, omnium Sanctorum Angelorum, tam qui individuè hominibus custodiendis adsunt, quàm qui generalitè res hujus Mundi, Cælos, Elementa, Regna, Populos, populorum Principes, Reges, Urbes, rerum species moderantur ex Dei Voluntate, est moderator, & director Generalis, sub uno summo Imperatore DEO: agens id, ut in omnibus, & ab omnibus perficiatur Dei Voluntas: manifesteturque Gloria Domini, & propagetur cultus ejus, juxtà ordinationem Providentiæ æternæ.

9. Idem S. Michael, Signifer est Ecclesiæ Dei, prout ab ipsâmet, honoris causâ, nuncupatur: Sicut enim primus ille, Angelis suis in Cælo, signum pro Dei Honore, contra rebellem ejus invasorem sustulit. ita nunc quoque toti Ecclesiæ Christi

G:

ope

To.

N

5

Christi, omnibusque Electis ex humano genere, contra eundem illorum Draconem diabolum militantibus, Signum præfert, ducatum præstat, robur addit. Quin etiam temporibus Antichristi, venturus est præliari pro populo Dei, juxta prædictionem Danielis. Denique, in die Judicii, cum Dominus noster JESUS CHRISTUS ad judicandum procedet, signum Crucis, seu illius veræ in quâ Christus pendens, callidum aspidem superavit, sive ad instar ejus efformatæ, ad postremum de Lucifero triumphum reportandum, præferet Sanctus Michael: in conspectu omnis Creaturæ statuet: & eodem, Diabolum cum Angelis hominibusque affeclis ejus, in puteum abyssi præcipitabit, ac depeilet: ac tandem eodem Crucis signo prælato; Christum Judicis jam munere defunctum, electosque illius omnes ad possidendum beatitudinis æternæ regnum, in Cælum introducet, ad Gloriam Dei sempiternam.

Apos. 9. 1.

10. Idem Sanctus Michael, omnium fidelium, hinc pie, & in Domino, ejusque Gratiâ, & Charitate decedentium, & seu expiatione illius seculi non indigentium, seu etiam illo igne expiatorum, cæloque, ac Beatitudine dignorum, susceptor est, in cælumque deductor. Et universim;

11. Idem Sanctus Michael, omnium in Domino morientium, agoni extremo, egressuique de corpore, & supremæ cum diabolo luctæ præest. Omnium inquam, vel per seipsum, vel per Angelos alios, suâ Voluntate adhibitos: sed eorum qui peculiari curâ in ejus Cultum, & Honorem, Invocationemque in hâc Vitâ incubuere, per seipsum omnino adest adjutor, confortator, consolator, protector, defensor, ac susceptor.

12. Idem

DRUG.
BICKI
r: ascal
II
V
7

12. Idem Sanctus Michael, quemadmodum ipse est peculiaris & maximè insignis, tum Divinæ Majestatis ac Dignitatis, tum Verbi Incarnati Jesu Christi, ejusque Vitæ, laborum, mortis, Passionisque, nec non Sacrificii, Sacramentique Altaris, & insuper ejus pretiosissimæ Parentis Mariæ Virginis, Amator, Zelator, ita etiam est peculiaris ejusdem Zeli, & Amoris, in Hominibus incensor, propagator, amatorque. Et quod in id studium ardentius, excellentiusque ferri videt, hos etiam tanquam sibi magis similes, sui que Seraphici amoris æmulos, & participes, plus diligit, & fovet, amplioribusque talis amoris ignibus incendit, & societate suâ Seraphicâ, dignos inventos recipit: eorum tam in Vitâ, quàm in Beatitudine specialem, ac veluti propriam curam gerit.

3. Ex his, similibusque Sancti Michaelis prærogativis consideratis, fac, ut in te peculiaris, insignis, assiduusque, amor, & honor, erga Sanctum hunc Principem enascatur, robusteque, & præctice in te vivat, ac roboretur: peculiaribus eum in te fovens, & augens exercitiis internis, & externis, orationibus, mortificationibus, venerationibus, obsequiis, affectibus. Ac imprimis zelo divinæ gloriæ: amore Dei Hominis, ejusdem Matris, cultu Sanctissimi Sacrificii atque Sacramenti Altaris, zelo etiam salutis Animarum, tam hîc, quàm in Purgatorio degentium; denique tenero, & ardenti affectu erga omnes Angelorum Sanctorum Ordines, personasque, ac specialiter in ipsummet S. Michaellem.

PRAXIS.

G:
ope
To.
N
5

P R A X I S.

DEUS, qui gloriosissimum Michaellem, omnium Angelicarum Creaturarum Principem, & in Gratia & in Gloria, & in Triumphante juxta ac Militante tua Ecclesia fecisti: & eum nobis specialem Parentem, Praesidem, Imperatoremque contra omnes Visibiles, & Invisibiles inimicos, pro hac, & altera vita donasti: commenda me obsecro huic tuo Amatori, Honorisque tui, & Incarnati Verbi, primo, & maximo Zelatori, in peculiarem, paternamque curam: & infunde mihi, quam maximum illius amandi, & honorandi, invocandi, & imitandi, laudandique studium: ut ejus patrocinio adjutus, in Amore Tui Seraphico, zeloque gloriae tuae, ardenti, ac incessabili ardescens, dignus inveniar, à quo in numerum Clientum ejus, Seraphicorumque Sociorum ceterum annumerer. O Michael, Princeps gloriosissime, accende me tuo Ignito ac Seraphico amore, & cultu Dei: atque Incarnati Verbi Jesu Christi, tum etiam ejus Matris Pretiosissimae, Sanctissimi quoque Sacrificii, & Sacramenti Altaris, necnon Passionis, Crucis, & Mortis Domini. Accende me etiam efficaciter, & vero zelo gloriae Divinae, salutis quoque Animarum, tam hic, quam in Purgatorio degentium. Accende quoque me vivo, & inflammato, ac perseveranti amore, honoreque tui, & curam meam gerere, tam in omni ista vita mea, quam in omnibus viis, officiis, studiisque meis, quam denique in articulo mortis meae.

DRUZB.
SICKI
r: ascal
II
V
7